

Сунъгъврин 95-ч Халъмг округин сунъгъврт белдлгънă хург

Февралин 10-д Элст балгъсна кинотеатр „Родина“ дүүрăд аътн цуглрв.

12 час. Хургиг Элст балгъсна Ленинă нертă колхозин ахлач ұр Гончаров И. П. секв.

Турун болдж Приютненск района Кировин нертă колхозин ахлач ұр Чудиков ұг авб. Одгă цагт цуг орн-нутгар сунъгъврт белдлгънă хургуд болдж йовна, — гидж тер келв.

Т е г а д мана колхозникуд нег дуугъар государственн ах йосна элчд КПСС-н ЦК-н негдгч сеглăтр ұр Н. С. Хрущевиг нерăдв—гив.

Трибунур Красногвардейск района „Страна Советов“ колхозин колхозник ұр Калашников Б. А. гарч ирăд, эдн бас ұр Хрущевин кандидатур темдглсăн келв.

Дарунь Апанасенковск района Дивенск МТС-н эклц парт-организацин сеглăтр ұр Полосин В. М. ұг авб. Эн МТС-н кӧдлмшчнр, инженерн-техническ кӧдлăчнр болн церглăчнр, сунъгъврин 95-ч Халъмг округар КПСС-н ЦК-н негдгч сеглăтр ұр Н. С. Хрущевиг болн КПСС-н Халъмг танъгъчин комитетин негдгч сеглăтр ұр Н. И. Жезловиг депутатрин кандидатирт нерăдсиг келв.

Элстин ремзаводин технорук Ким Лилжинович Корнеев, ұр Н. С. Хрущевин болн Н. И. Жезловин кандидатуриг коллективăрн нерăдăд,

ремзаводин .зурагъан 110 процент кўцăх даалгъвр авсиг темдглв.

Трибунур КПСС-н Красногвардейск райкомин сеглăтр ұр Чугуев П. М. гарч ирăд, халъмг улст халуи менд келв.

Ўр Жезловин кандидатуриг дӧнънхмн гидж эн дуудв.

Приютненск района Кировин нертă колхозин бригадир ұр Оджиев ұг авб. Эн зврăннь сунъгъачин зӧвăн эдлдж, ах йосна элчнрт кандидатир темдглгънд орлцсидан икӧр байрлджахан келв.

Ўр Х р у щ е в и н болн Жезловин кандидатуриг дӧнънтхă гидж дуудджанав гидж эн цааранднь келв.

Приютненск МТС-н токарь ұр Токарева ұг авб. Эн келв: Би шинъкн 18 нас зүүдж, эн джил болх сунъгъврт орлцджанав. Эн болхла нанд ик гидг байр. Тегăд зурагъан 120 процент кўцăнăв гидж ұган ӧгв.

Хургт ут-турштан 15 кўн ұг келв. КПСС-н ЦК-н сеглăтр ұр Н. С. Хрущевин болн КПСС-н Халъмг танъгъчин комитетин негдгч сеглăтр ұр Н. И. Жезловин кандидатуриг дӧнънхмн гидж хург шиндв. Дакад болхла сунъгъврин 95-ч Халъмг округин цуг сунъгъачнр мартин 16 ӧдр эврăннь кандидатиртан нег дуугъар дуугъан ӧгий гисн дуудвр авгдв.